

# TUKISINNIK INUNNIK AMMALU SIKARELUKANNIK



Unuttumaget sulijut attuiKattavuk inummik kajusiutiKagiamut atugiamut talannatunik, sollu sikarelukannik. IlinganiKammat atjiKangituk sivunigisimajavut ammalu ilukkusivut, Inuit atuKattavut atautsituinnaungitumik atjigengitunik inulimât piusigijanginnik attuiKattajumut annigiKattajavuttinik atugiamut sikarelukannik taikkua asigiallait Canadamiut piKattangitanginnik. Tamakkua katingaKatigettitausot paitsiutiKagiamut ammalu ulugianattunik sulijunut, tamammik attuijut kajusiutigiKattajattinik pitjutigillugit iligenimmik ilinganiKajumut sikarelukammik. AtuKatigennik akungani immigolingajunut, tânnâ ilagek, ammalu anginitsamik nunalimmik ilonnanginnik attuijuk immigolingajumut anniginattaminik ammalu pivalliagunnagiamut.

*There's More To This Than  
Cannabis*

Learn more at [LetsTalkAboutUjarak.com](http://LetsTalkAboutUjarak.com)

Tamakkua Kaujigatsait atânettut uKâlautiKajut sivungani ammalu mânnaaluatsiak pisimajunik ammalu isumakkut ânesimajunut ammalu attuisagaisot pitjutaujunut unuttumaginnut. Tânnan Kamatsiaqtut Ikajotet Phonninga atuinnauvuk omani 867.979.3333 upvalu Kagitaujatigut omani nunavuthelpline.ca. Ammalu aigajagivusi First Nations ammalu Inuit Hope Kanuittailigiamut Ikajuttaugunnagiamut phonningagut **1-855-242-3310**, upvalu taikkutigona uKautjigiajet kiggatonginnut [www.hopeforwellness.ca](http://www.hopeforwellness.ca)

## Uluginattot inosittinevut tunitsigajattunut inop atugiamut upvalu atuluatlagiamut talannatunik. Inunnili, ilangit ulugianattut sulijut ilautitsigajakKuk:

- Nunalinnut nogiamut ammalu suli kinguvânet isumakkut ânnitausimajiamut**

Paipvinut Ilinniavet ammalu tânnan Sixties Scoop notsiKattalauttut sugusinik ilagijamminit, pigutsatausimajut ilukkusizingitamminik, piusituKagijanginnik ammalu ilagengita nalligusunninginnik ammalu illigijaujunut. Tamanna piungitualummik ulapitsisimajut ilage ataKatigenimmik ammalu isummakut sujuitluni inoKatittinik, tamanna piusigijaulautsimajuk suli tamânevuk ullumiulittu.

- Amigagijaujut atugunnagiamut timikkut ammalu isumakkut Kanuittailigiamut kiggatotinginnik**

Ikinnisauvut ânniasiutiligijet ilisimallagijunut kiggatujunut Inuit nunagijanginnik ammalu puttujualotluni ikajuttauviKagiaKajunut ilinganiKaluammat sivungagut isumakkut ânnitausimajunut ammalu immineKattajut pimmagialotluni. kiggatotet atuinnaujut sakKititauKattalungitut

Inuktitolutik, Inutuinnanut,, upvalu ilukkuset ininginnik ammalu KaujimattitauKattalugatik. Taimaimmat, Inuit amigatsijut pimagittunik ikajotinnik pisimajunik kiggatotinnik Kangatuinnak ikajuttaugiaKalippata.

- IluKatsianginik ammalu inet piusigijangit**

Unuttumaget Inuit iluKatsialungitut Taggami ammalu SiKinganimmi, upvalu ninniuKattajut upvalu inosiKatsiangigiamut piusiKajut. Taimaimmat maligatsanik siKumitsinik puttujualovuk ammalu immineKattajunut pimmagiutluni Taggami, unuttumaget Inuit atusimavut upvalu pijâkKumiungituk atusimavut pilukânnimik. Piungitunik illuKatlutik, pilukainnik ammalu maligatsanik siKumitsinik ilonnangit ulugianttovut sulitlutik ilinganiKagajattuk summat atujuKaKattamangât talannatunik.



- Apomautigijaujut KaujimaKatigennikut ammalu isumakkut Kanuittailigiamut**

Isummakut ânnitausimannik, apomautigijaujut

KaujimaKatigennikut, ilaget katingasiaKattalugunnainingit ammalu isumakkut Kanuittailigiamut apomautigijaujut angajukKânut upvalu paitsijiujunut ilonnatik ulugunattovut tunitsigajattunut annigusugiamut atugiamut talannatunik sollu sikarelukannik, kamagasuagiamut uKumaitsautigijanginnik inosinginni.

- Piusigijautuinnautigianga talannatunik atugiamut**

Sikarelukattomagiamut isumagijauKattavuk unuttumaginnut Inunnut Kanuingininganik. Piusigijautuinnautigianga sikarelukannik atugiamut pianniKagajattuk uluginattoluni tamannauluattuk uvagut takunnâKattagatta Kanuingininganik, ilauKatauluagajakKoKugut, piluattumik inosuttut.



# PaitsiutiKagiamut sulijut piujovut attuijagattuk ikilliumititsigiamut kinatuinnamik Kinijagunnaigiamut upvalu atugunnaigiamut talannatunik. Inunnuli, Paitsiutet sulijut ilautitsigajakKuk:

## • Sangijumik atalluni ilukkusimmut ammalu kinaunninganik

Nunalinnut notitsinik tigusigasualaukKuk Inuit ilukkusinginnik ammalu kinakkoninginnik, uttisigasuanginnavugut ammalu sanavalliagasuanginnavugut piusituKagijattinik ammalu ilisimajavuttinik ilinnianikkut ammalu ilinniagasuatluta nutânik takunnânikkut, ilinniatitsinikkut, ottugannikut ammalu piggautiKagasanikkut.

## • Sangijumik ataKatigennik ilagejannik ammalu nunalimmik

Aiviuuttaisiagunnalugani, sakKititsisok isumakkut ânnitaugiamut, ulugianttovut,

atautitsilugani ammalu tigumiagunnalugani ilagenik ammalu nunalimmik, paitsiutuvut ikilliumittisisomik talannatunik atulukagiamut upvalu najuttiKagiamut.

## • Iligenimmik nunamut ammalu omajunut

Nunamegalalluni atuniKatsiamagittuk ammalu paitsiugijautluni, timikkut aullatitsiKattamat sakKigajakKotunut pigiasitsigajakKotunik talannatunik Kinijagiamut, atautsikut sangijotitsiluni atautigijattinik nunamut, sivullivinigisimajattinik ammalu ilukkusigijattinik. IkKasunnikut nunamut ammalu

omajunut kiggatuKattavut ammalu sakKititsitlunillu ilagenut ammalu/ upvalu nunalimmik nunamit, ammalu imminik paitsiutiKallutalu.

Inuinikkut angiluat isumattinik ânnitaugunnagiamut, ammalu isumakkut ânnitaunikkut uvattinik attuisok, taimailingalungilagut. Inuit sangijovut, tujummiKujiKattangitut, pitsiagâluit, suliaKalluagâluit, ilukkut ammalu atatsiavut nunatsuamut. Inuit illigijangit suli tasiugiattiuluni piniaannigijattinik, kamasonguvugut anniginiattatinnik pitjutigillugit sikarelukannik atutsikut sulilluta kinakkonittinik.

